



BIBLIOTHECA
UNIV. JAGELL.
CRACOVENSIS

25882

Mag. St. Dr.


I


Real.komp



25882

I





Friedrich II.

SACRÆ REGIÆ MAJESTATIS
BORUSSICÆ
DECLARATIO

CONTRA
HOSTILEM RUSSORUM INVASIONEM
IN
PROVINCIAS
DITIONESQUE SUAS.



1757.

Ms. 4558.

50182V101

gr. phant.

К 29 / XV / 68

52

040170

21.53 35 0.3 37 3.71

25.882.7





Neminem fugere potest, Sacram Borussiae Regis
Majestatem, a primordiis inde Regni sui, ni-
hil magis in votis habuisse, nullamque ma-
gis operam navasse, quam ut transmissam sibi a mayo-
ribus amicitiam Aulæ Imperialis Russicæ sibi quoque
devinciret & per omnia officiorum genera excoleret.
Contigit quoque illi, per complures annos arctissimis
amicitiæ vinculis cum Imperatrice Russorum jamdum
regnante conjungi, donec pernotæ illæ invidæ Aulæ,
artibus suis clandestinis, eo rem perducerent, ut di-

vulsis exoptatissimis hisce Unionis vinculis, Legati ab utraque parte avocarentur, & omne commercium inter Berolinensem & Petropolitanam Aulam tolleretur.

Uti Sacra Borussiae Regis Majestas hocce fatum ægerrime tulit, ita ab illo exinde tempore summo studio eo allaboravit, ne aliquid porro accideret, quod vulnus hoc exacerbare, animumque Imperatricis a reconciliatione adhuc alieniorem reddere posset. Exortis quoque infelicibus illis belli flammis, quæ impræsentiarum Germaniam conflaurant, omnem lapidem movit, ne ulla ratione cum Russica Aula collideretur, licet non leves de ea querendi causas haberet & cuilibet notum sit, Aulam Viennensem eo pervenisse, ut ipsa Russicam scedifragis suis conatibus contra Borussiae Regem innodare, & ea tanquam Instrumento impotentis suæ ambitionis pro lubitu & pro re nata uti posset.

Univerſæ jam Europæ ex documentis omni exceptione majoribus perspicuum est, Aulam Viennensem & Saxoniam, Borussica arma injustis suis æque ac periculosis conatibus provocasse. Satis superque docuit Sacra Borussiae Regis Majestas, arma hæc se non nisi pro sui suorumque defensione cœpisse; at declaravit eadem
repetitis

repetitis vicibus paratissimum arma ponendi animum, dummodo securitati suæ consulereetur. Detectæ quoque & in aprico positæ sunt perniciosissimæ illæ artes, quibus Viennensis Aula usæ est, ut Russicam in talia pertraheret consilia, quæ ab excelsa Imperatricis indole valde aliena sunt, quæque illa sine dubio execratura esset, si veritati ad eam aditus pateret. Summo itaque jure, Imperatrix præsentî bello abstinere potuisset, nec fœdus adimplere opus habuisset, quo Viennensis Aula ad injustos suos fines assequendos abutitur. Imo Majestas Sua Regia Borussica hujuscemodi media Imperatrici proposuit, quibus ignem belli uno momento sine ulla ulteriori sanguinis effusione extinguere & immortalem majoremque regno suo gloriam conciliare potuisset, quam ab armis ei unquam sperare licet.

Verum videt jamdum Sacra Majestas Borussia magno cum dolore, artes inimicorum tandem superasse & incassum cecidisse omnem qua usæ est moderatorem, omniaque studia, quæ pro conservanda cum Russico Imperio pace impendit. Videt impræsentiarum, Russicam Aulam sine necessitate & sine ulla accepta injuria, bello se immiscere, cujus culpa unice penes Viennensem Aulam est & neglectis omnibus amicitiae vic-

niæ & fœderum secum initorum rationibus, copias suas per Territorium vicini Status neutri parti addicti, invito eo & contra tenorem pactorum publicorum hujusmodi transitum prohibentium mittere, ut in provincias Borussicas hostilem impetum faciant.

Nihil ergo Sacratissimæ Borussicæ Regis Majestati superest, quam ut justam sui suorumque defensionem suscipiat, omnesque a summo Numine acceptas vires impendat, ad tuendos subditos suos, & ad propulsandam vim injustam quæ sibi imminet.

Regia sua Majestas Borussica durante hoc infausto bello, nunquam leges belli inter gentes moratiores receptas negliget, juxta ac hætenus Miles Borussicus in Saxonia severissimam disciplinam observavit. Si vero contra spem meliorem, copiarum Russicæ ad crudelitatem inusitatasque violentias in ditionibus Borussicis progredierentur, eo casu Regia sua Majestas non posset, quin licet invita, parem vicem ditionibus subditisque Saxonice reddat, eademque mala eis infligat, quæ suis, forsitan inferri possent.


Argumenta illa, quæ Russica Aula in medium profert ad excusandam hostilem suam aggressionem, brevi temporis spatio elidentur & quod reliquum est, Sacra


Boros-


Borussiae Regis Majestas, quæ in moderamine inculpatae
tutelæ versatur, omnem spem fiduciamque suam in ju-
stitia causæ suæ collocat, nec dubitat, quin summum
Numen justissimis suis armis prosperos successus imper-
tiri & sibi opem auxiliumque adferre velit, ad perfrin-
gendoſ hostium injustos conatus, subditosque suos
tuendos.



Faint, illegible text at the top of the page, possibly a header or title.







Biblioteka Jagiellońska



stdr0024783

